

15591 kat.komp.

I Mag. St. Dr.









15591

I

P

Konpecki Andreasi Quæstio iuristica de
prescriptionibus. -

A 222/10179

2471 Provo.

QVÆSTIO

IVRIDICA,
DE PRÆSCRIPTIONIBVS

ad C. fin. ex, eod. iuncta l. 3. ff. de Vſucap.

Q U A M,

In Collegio Iuridico

M. ANDREAS KRVPECKI,

PHILOSOPHIÆ DOCTOR,


J. V. Profeſſor, DD. Jureconſul-
torum Collega,

(Permiſſu Superiorum)

Publicæ velitationi,

P R O P O N E T,

Anno Salutis 1691. Die 27. Martij. Horâ 9.



CRACOVIAE, typis VNIVERSITATIS.

eeee

QUÆSTIO

V Præscriptio, per possessionē
• temporis lege definiti continuata,
Causam iustam possidendi includens, su-
perueniente, mala fide quocunq; tempore,
procedere possit nec ne?

CONCLUSIO I.

Præscriptio rectè dicitur esse adiectio dominiij,
per continuationem possessionis, temporis lege defi-
niti: 1.

l. 3. ff. de vsucapionibus.

COROLLARIA.

*I. Eadem præscriptio specialiter vim habet excepti-
onis peremptoria, 1. qua prouenit ex possessione rei al-
terius. 2. siue aliquis rem possederit alienam, siue iure
aliquo usus fuerit, siue alius ab usu rei abstinuerit,
vel cessauerit tali tempore.*

1. Tit. toto C. de præscript. longi temporis

2. l. Omnes C. eod., l. alienationis ff. de V.S.

II. Index habens liberum arbitrium procedendi,

exce;

exceptionem prescriptionis, ex mero rigore l. iuris ciu-
lis prouenientem reiicere non potest.

1. Bald. in l. 1. C. de præscript. 30. annorum. Bar-
tol. in extrauag. ad exprimendum, in verbo videbi-
tur circa finem.

III. Per prescriptionem, qua est de iure Ciuili, pro-
pter bonum publicum introducta. tollitur ipso iure,
Ciuilis, imo & naturalis eliditur obligatio, in casu re-
petitionis impedienda.

1. l. 1. § 3. ff de usucap. 2. l. Omnes 4. ff eod.

Bartol. in l. finali §. l. ff rem ratam haberi.

IV. Licet præscriptio non tollat ipso iurè actionem,

- 1. ope tamen exceptionis reddit illam prorsus inuti-
lem & inefficacem.

1. C. ad aures de præscript. ext. Bald. in l. si pæna
causa. ff. de Condict. in debita l. sicut de præscript. 30.
vel 40. annorum.

V. Qui scit & patitur rem suam præscribi, vide-
tur firmare ipsam prescriptionem.

l. alienationis. ff. de verborum & rerum signif.

CONCLUSIO II.

Sine possessione eaq; continuata, non potest proce-
dere præscriptio.

l. sine possessione ff de usucap. l. nunquam § 1. ff eod.

C. cum olim 18. de præscript.

C O R O L L A R I A.

I. Cōtinuata possessio dicitur, quæ fit absq̃ interruptione per tempus lege definitum, sicut est triennalis in mobilibus. 10. annorum inter præsentēs, & 20. inter ab-sentes in immobilibus 1.

1. Bartol. in l. unica C. de vsucap. transformandis.
l. superlongi C. de præscript. longi temporis.

C. illud. C. auditis eod. tit.

II. Seruitutes & alia iura incorporalia, sicut non proprie tradi, sed quasi tradi dicuntur, ita etiam & quasi possidentur, & vsucapionem ac præscriptionē admittunt.

1. l. finali C. de præscript. longi temporis. l. 2. & penult. C. de seruitutibus.

III. Possessio per contumaciam amissa, & tradita alteri, potest à primo possessore, purgata contumacia iudicialiter recuperari. 1.

1. Bald. in l. penultima §. finali C. de præscript.

IV. Res deputata vsibus publicis, & à cōmercio hominum exempta, ut sunt res sacra, religiosa, ius decimandi laico, & quæ specialiter sunt prohibita, sicut iure possideri nequeunt, ita nec præscribi.

1. § sed aliquando instit. de prescript. l. 9. ff. eod. tit.
C. Causam 7 tit. eod.

V. Licet provinciales Episcopatum ac Parochiarum limites, & quæ finibus eiusmodi coherent. 1. si constet tales fines constitutos fuisse, præscribi non possunt. 2. ceterum si non constet de illis, neque probari possint, de facto præscribi poterunt.
d.C. Super eo de parochijs ext. c. quicunque iuncta glos. c. licet 16.
Q. 4. 2. C. Quia iudicante de prescript. c. volumus 16. Q. 5.

CONCLUSIO III.

Ad præscriptionem requiritur titulus tanquam causa iusta possessionis, i. & sufficiens ad transferendum dominum.

1. C. si diligenti de prescript. ext. l. diutina l. super longi C. de prescript.

COROLLARIA.

1. Non tantum verus, sed etiam putativus titulus, qui iusto errore verus esse censetur, ad præscribendum sufficit.

1. l. finali ff. pro legato. l. Nullo C. de rei vindicat.

II. In præscriptione longi temporis 30. vel 40. annorum, nec de iure Canonico, neque de Civili requiritur titulus. 1. Similiter & in statutaria, & in usucapione incorporalium, dum agitur de modico præiudicio secus si de magno 2.

1. l. sicut l. omnes l. si quis emptionis § 1. C. de prescript. 30. vel 40. annorum 2. Cap. ad aures de prescript. Bald. in l. 2. C. de prescript. longi temp.

III. Titulus conditionalis, quamvis non profit ad præscriptionem ante eventum conditionis. 1. bene tamen in eventu illius dicitur causa præscriptionis.

2. l. 2. § si sub conditione ff proempto. l. 2. ff de indiem
condict.

IV. Rem aliquam præscribens, censetur eam habere ex ti-
tulo quo præscripsit, non vero ab eo contra quæ est præscriptum.

1. l. si extraneus ff de donatione inter virum & uxorem
l. qui alienam ff de donatione causa mortis.

V. Licet ordinarie titulus quicumque sufficiens ad transfe-
rendum dominium, tanquam causa illius requiratur, bene ta-
men ex pluribus titulis seu causis procedere potest præscriptio.

1. Bartol. l. 3. § ex pluribus ff de acquiren: posses.

CONCLUSIO IV.

Præscriptio cum mala fide quantumvis longo tem-
pore procedere non potest.

C. finali ex, hoc tit. c. siquid manifesti 34. Q. 5.

COROLLARIA.

I. Licet iure civili ad initium tantum præscriptionis bona
fides requiratur. 1. Ceterum necessario secundum Canones o-
mni tempore adesse debet. usq; ad completam præscriptionem 2.

1. l. 1. § hoc tantummodo Cod. de usucap. transform. l.
sequitur § de illo ff de usucap. 2. C. finali de præscript C.
possessor de R. l. in 6to.

II. Superueniens dubitatio quod res sit aliena, non inter-
rumpit iure Civili præscriptionem inchoatam, verumtamen
ab initio dubius de re aliena, præscribere non potest. 1.

1. Bald. in l. Naturaliter circa finem ff de usucap.
Panormit: d. Cap. finali de præscript.

III. Iure

III. Iure Civili potest heres tanquam successor uniuersalis rem aliquam cum mala fide usucapere, quam defunctus bona fide aliquo tempore possedit. 1. utendo nimirum accessione illius temporis, quo defunctus possedit, vel cepit usucapere 2. è diuerso vero si defunctus fuerit male fidei possessor, heres quantumuis bona fidei nullo tempore praescribit.

1. l. heres ff de usucap. l. heredem ff. de R. l.

2. l. cum heres ff de diuersis & temporalibus praescrip.

IV. Singularis Successor in quem vitia auctoris non transeunt, nec etiam impediunt usucapionem 1. in bona fide existens potest legitimo tempore usucapere, secus si mala fide ceperit possidere licet auctor in bona fide possessor fuerit, non poterit uti accessione temporis, nec pro se aliquo tempore usucapere.

1. C. Cura de iure patronatus ext. 2. l. 2. § si eam rem ff pro emptore.

V. Post Completam & perfectam bona fide praescriptionem, praescribens tutus esse debet in Conscientia 1 nec tenetur ad restitutionem, superueniente mala fide seu scientia rei alienae.

1. c. Clerici 26. Q. 2. Hostiensis in summa tit. de praescrip. rei immobilis §. verum, versiculo. quid si iam completa Panormit. C. vigilanti ext. de praescript.



SUB FELICISSIMIS AUSPICIIS,

Magnifici, Perillustris, & Admodum Reuerendi Domini,

D. M. F R A N C I S C I
P R Z E W O S K I,

S. Th. DOCTORIS & PROFESSORIS,
Collegæ Maioris, Ecclesiarum Collegiatarum, SS.
OMNIVM Cracouiæ PRÆPOSITI, ad S. FLORIANVM Ca-
nonici, Curelouien: Scholastici, Contubernij Hiero-
solymitani Prouisoris, per Diœcesim Crac: Ordina-
rij Librorum Censoris,

Almæ Vniuersitatis Cracouiensis,
Generalis & Vigilantissimi

R E C T O R I S.





Albrecht Andreas

Quarta serie de photographiis.





Biblioteka Jagiellońska



stdr0014513

